

09.03 MARELLA

Inventar la vita da nov

Al Tavulin litterar sa scuntran per la davosa giada Bettina Vital, romanista ed amatura da cudeschs, e Claudia Knapp, dunna da cultura e cuntadina d'ulivas.



En il center da l'emissiun stattan dus cudeschs cun notizias autobiograficas. Ils auturs èn tuts dus da l'Engiadin'Ota. Discutà vegn sur da «Leinen los» da Jürg Oswald e «La pultruna/Annäherungen», l'emprima part d'ina trilogia da regurdientschas da Romedi Arquint. Jürg Oswald descriva en ses diari da viadi co ch'el ha vendì sia fatschenta da coiffeur ch'era per trais generaziuns en possess da la famiglia. Cun sia bartga «Grischa» e ses dus chauns è el girà tras la Mar Mediterra. Cun sia aventura vul el far curaschi a la glied da midar vita. Cun «La pultruna/Annäherung», «Cubadreams» e «A spass a lur dal tschêl» va il teolog ed anteriur politicher Romedi Arquint sin ils fastizs da persunas e muments che han influenzà sia vita: la relaziun cun ses geniturs, la mort da sia dunna u era dumondas filosoficas e teologicas.

Redacziun: Esther Krättli